

Ferrera d'armas AFQ

Ferrer d'armas AFQ

Maschinen

Metall

Ferrers e ferreras d'armas produceschan, reparan, fan adattaziuns, tgiran e vendan armas da fieu. Ozendi mainan els cunzunt manaschis che s'occupan cun la vendita e la reparatura da differentas sorts da buis e pistolas. Lur clientella èn chatschadurs, sportists da prestaziun, tiradurs d'uniuns e collecturs.

Incumbensas

Fabricaziun e midada dad armas

preparar differentes tocs da lain u da metal, p.ex. la channa, la serradira, il paratgiet, il lain u moni da la buis per montar las armas u tocca da las armas

montar differenta tocca dad in'arma cun agid da maschinas dirigidas da computers

far midadas vid tocca singula tut tenor giavisch da la clientella, p.ex. in dubel paratgiet, magazins u perspectivs

construir inizialas embellidas sin plachettas da metal, uschenumnadas plachettas da monogram u far e montar magazins integrads en il moni

Mantegnair e controllar las armas

controllar sistematicamain la funcziunalitad da las armas e resguardar strictamain las normas vertentas

controllar la singula tocca ed identifitgar ils mancos

tgirar las armas cun las nettegiar ed unscher cun ieli, far las controllas da finiziun, rechargear cun muniziun e far l'aggiustament final

tractar tocca veglia a moda speziala per ch'ella vesia puspè or nova

curreger mancos e fenomens d'isada, demontar e remplazzar tocca defecta

Commerzi e vendita

vender armas, muniziun, accessoris sco perspectivs, tastgas da buis e vestgadira da chatscha

cussegliair la clientella tut tenor il diever da l'arma

interpretar ils pass necessaris tar ils uffizis responsabels ed emplenir ils formulars correspundents

declarar a la clientella l'utilisaziun da l'arma ed infurmar davart las perscripziuns da segirezza

Administraziun

registrar empustaziuns

far offertas

tschentiar quint

manar la contabilitad

controllar las reservas dal deposit

Ambient da lavur

La pli part da las ferreras e dals ferrers d’armas vendan armas fabritgadas industrialmain perquai che la producziun a maun è fitg limitada. Els lavuran savens en in lavuratori, stattan dentant er en contact direct cun lur clientella ed han temps da lavur regulars.

Las perspectivas professiunalas per ferreras e ferrers d’armas èn limitadas. Mo paucs manaschis scoleschan emprendists. Uschè èsi grev da chattar ina piazza d’emprendissadi. I na è er betg simpel da chattar ina piazza suenter l’emprendissadi. La glieud da professiun chatta pel pli lavur en fabritgas industrialas d’armas en la Svizra tudestga, en l’exteriur u en in arsenal federal nua ch’ella controllescha e giustescha las armas.

Intgins avran lur atgna fatschenta e sa spezialiseschan sin la vendita da differentas sorts dad armas specificas; sin la restauraziun d’armas istoricas u sin la producziun da serias pitschnas. Savens amplifitgeschan els lur sortiment e vendan vestgadira da sajettar u da chatscha u artitgels da sport da cumbat. I è er pussaivel da daventar in represchentant d’in manaschi d’import dad armas.

Pretensiuns e interess

Pretensiuns

- Inschign manual
- Imaginaziun tridimensiunala
- Chapientscha tecnica
- Moda da lavurar conscienziusa ed exacta
- Dun per cifras
- Talent da dissegнар
- Plaschair da vender e da cussegljar

Interess

- Lavurar cun ils mauns
- Elavurar metal
- Lavurar en moda exacta
- Schliar incumbensas technicas
- Planisar, construir, far dissegн technic

Scolaziun

La scolaziun vegn fatga sco emprendissadi en in manaschi.

Manaschis

En ina ferraria d’armas

Scola

1 - 1½ dis per emna a la scola professiunala, ensemen cun ils polimecanists AFQ
l’enconuschientscha dal rom vegn instruida a Lenzburg en furma da curs da bloc: mintgamai 6 – 8 dis en il 3. ed il 4. onn d’emprendissadi

Curs odaifer il manaschi

Emprender ed exercitar la basa professiunala a moda pratica, 34 dis durant 4 onns

Durada

4 onns

Cundiziuns d'admissiun

Temp da scola obligatoric terminà

Maturitad professiunala

Tar fitg bunas prestaziuns da scola po vegnir frequentada la scola da maturitad professiunala durant la furmaziun da basa.

Titel da finiziun

Ferrer / Ferrera d'armas AFQ

Furmaziun cuntinuonta

Curs

purschidas da scolas professiunalas e scolas spezialisadas, da l'Associaziun svizra dals ferrers e dals commerziants dad armas sco era da producents dad armas

Examen professiunal (EP)

Spezialista da process cun certificat professiunal federal

Examen professiunal superiur (EPS)

Manadra da producziun dipl.

Scola spezialisada superiura (SSS)

p.ex. tecnicist diplomà SSS construcziun da metal

Scola auta spezialisada (SAS)

studis en direcziuns parentadas, p.ex. Bachelor of Science (SAS) en microtecnica u en tecnica da maschinas. Tut tenor scola auta spezialisada valan differentas cundiziuns d'admissiun

Professiuns sumegliantas

Professiun

Professiun

Professiun

Cunteller / Cuntellera AFQ

<https://www.berufsberatung.ch/de/rm/professiun/cuntellera-afq>

Polimecanist / Polimecanista AFQ

<https://www.berufsberatung.ch/de/rm/professiun/polimecanist-polimecanista-afq>

Mecanist / Mecanista da producziun AFQ

<https://www.berufsberatung.ch/de/rm/professiun/opticher-opticra-da-precisiun-afq>

Micromecanist / Micromecanista AFQ

<https://www.berufsberatung.ch/de/rm/professiun/micromecanist-micromecanista-afq>

Ulteriuras infurmaziuns

Swissdoc Nummer

0.580.2.0

TODO

Schweiz. Büchsenmacher- und Waffenhändlerverband SBV

<https://www.sbv-asa.ch>

TODO

<https://www.becc.admin.ch/becc/public/bvz/beruf/show/43102?lang=de>